

那文毅公奏議

那文毅公西寧辦事大臣奏議卷十七目錄

卷十七

搜捕餘賊

附議駁徐侍御條奏

續續保薦

附恭摺交卸

那文毅公西寧辦事大臣奏議卷十七

男  
容安恭輯

搜捕餘賊

附議駁徐侍御條奏

嘉慶十二年九月二十三日會同寧夏將軍興公  
奎陝甘總督長公齡

奏爲拏獲引路之蒙古審明定擬並查明寄頓番子牲  
畜之蒙古事竊查大通協屬黑石頭汛弁拏獲蒙  
古靈旦一犯押解前來當經飭委蘭州道積朗阿  
西寧道慶炆會同審訊據靈旦供係札薩克台吉  
旺舒克旗下人年二十五歲父母俱故家有女人

本年五月間往克克蘭找尋親戚路過卜河圖地方被十三箇番子拏住番子令我將他們帶到永安以西多勒打板地方起了誓餉了鎗口給還我的原馬內中有兩箇會說蒙古話的番子一箇叫敦多克一箇叫達什二人著我去看有無牲口並探官兵信息我就向大通一路來探走到黑石頭被官兵拏住的等語查靈旦身係蒙古帶領番子打劫牲畜自傷同類自應加等治罪但目下大兵已撤番子亦極其畏懼且究係迫於一時威逼尙有一線可原應請

旨發往黑龍江給索倫達呼爾兵丁爲奴至臣等前聞蒙古中竟有爲賊寄頓牲畜之事當令昂貴查訪去後茲據回報係納漢達爾吉旗下蒙古因與循化之搆咱族居住相近素係親眷因伊牧場水草好求蒙古代爲牧放羊一百五十隻牛十二隻是實並非大兵進剿之時代爲寄頓等語臣等又復差查覆稱無異此事旣非臨時寄頓應毋庸議再查向來蒙古具報番案因恃官爲辦理往往以少報多並有憑空捏報希冀將來詐分贓物臣等當卽傳令嗣後各旗具報搶案總須報明係何族番民

所搶在何處被搶搶後由何路逃去跟尋的確踪  
蹟報明臨時派人查勘明白方爲查辦倘無指實  
只以一紙空文具報卽不准理等語亦一併通行  
曉諭至節次奪獲牲畜除接濟兵食及分賞撒拉  
爾回兵並遵

旨賞給喇嘛與失業各番子人等外若此時分賞蒙古旣  
不能按所失之贓確給轉多紛擾爭競現在蒙古  
等旣有帶路之事又未曾出兵効力亦未便再加  
恩賞應請將所餘牲畜留爲嗣後分賞防河兵丁  
之用謹

奏

嘉慶十二年十月十二日軍機大臣字寄奉

上諭興奎等奏拏獲引路蒙古審明定擬並查明寄頓番子牲畜各緣由一摺此案靈旦一犯身係蒙古乃輒敢帶領番子打劫牲畜本應加等治罪因其究係迫於一時威逼稍有可原靈旦著照所請發往黑龍江給索倫達呼爾兵丁爲奴以示懲創其寄頓牲畜一事現經查明蒙古代爲牧放在大兵未經進剿以前自可毋庸查辦至所稱奪獲牲畜除接濟兵食等用外若將所餘牲畜分賞蒙古恐轉滋紛擾爭競等語現在興奎等既查

出蒙古有爲番子帶路之事又未曾出兵効力自毋庸  
再加恩賞所有餘剩牲畜著留爲嗣後分賞防河兵丁  
之用

嘉慶十三年正月十八日會同陝甘總督長公齡  
奏爲遵

旨會議覆奏事竊

臣

等接奉

諭旨御史徐寅亮條奏西寧備番事宜一摺據稱請令蒙  
古各札薩克精選壯健練習鎗箭該辦事大臣不時調  
操抑或親往按閱嚴立賞罰俾成勁旅以備一時徵發  
之用等語此論斷不可行青海蒙古各旗被賊番搶掠



前經屢降諭旨責令該蒙古等自強以固藩圉該札薩克等練習兵丁乃其自爲之事若令辦事大臣調操往閱該蒙古究係外藩賞罰俱多未便國家豈有此體制乎請將西寧辦事大臣移駐貴德循化丹噶爾等城並令西寧鎮屬官兵輪番值戍及將河州鎮兵亦歸該大臣節制調遣之處著交陝甘總督會同西寧辦事大臣悉心妥議是否擇要移駐控制較爲得力不可以駐劄西寧相沿已久因畏邊境荒寒卽偏執仍舊之見總須熟籌地勢詳度邊情期於兵防實有裨益以爲經久牧畜之計該御史摺著發給閱看俟奏到時再降諭旨欽

此<sub>臣</sub>等細閱該御史原奏令蒙古練習鎗箭該大臣不時調操以備徵發一節誠如

聖諭於體制非宜應毋庸議至所稱將西寧辦事大臣移駐貴德循化丹噶爾等城西寧鎮屬官兵輪番值戍並將河州鎮兵亦歸節制所言似亦有見如果於邊防有裨非特辦事大臣不當以邊境荒寒稍存畏怯卽有請動

帑項之處

國家經營邊備爲經久救靖之計亦不敢預存苟且惜費之心<sub>臣</sub>等往返再四札商並細核蒙古番子住

牧各情形查西寧在黃河之北迤西九十里爲丹  
噶爾又西出日月山係河北二十五旗蒙古游牧  
處所貴德在黃河之南迤西係河南五旗蒙古游  
牧東南係番族游牧番地之東爲循化如該御史  
所奏青海辦事大臣移駐貴德距番族雖覺稍近  
而河南蒙古在番子之西設河南遇有搶竊等事  
蒙古呈報以及官兵前往查辦均須穿越番地已  
恐稍形阻滯至距河北蒙古則益形寫遠未免鞭  
長莫及如移駐循化更在番地之東距河南北蒙  
古俱遠更恐顧此失彼若移駐丹噶爾在西寧之

西與河北蒙古稍近而距循化貴德以及河南蒙古則又遠惟有西寧郡城爲適中之地各路均可照應且青海大臣管轄邊界西至多倫巴圖爾三十餘站路通蜀藏中有玉樹並阿里克各番族又與四川果洛克番子接壤至西寧之東與北兩面均係熟番亦須鎮撫從前擇要駐劄原爲控制得力此時似可無事更張至該御史所奏官兵輪戍一節查循化貴德丹噶爾三處均非賊番出入要路從前安卡在全屯希里克一帶乃番子與河南五旗蒙古交接之地

臣等昨議屯田在黃河北岸

乃賊番偷渡之地現在黃河以北業經<sub>臣</sub>等奏請  
派兵六百名扼要駐守換班巡查已奉

諭旨允准此外似可毋庸分設防兵致滋繁擾再查西寧  
鎮屬各處營分碁布星羅舊制極爲嚴密小有竊  
發皆可調動循化一路與河州鎮相近遇有要事  
亦可知會調撥並不因非其節制稍形掣肘亦可  
無庸多此一舉<sub>臣</sub>等詳細熟商謹據地勢邊情合  
詞恭摺奏請

訓示並繪具圖說恭呈

御覽謹

奏

嘉慶十三年二月初九日奉

上諭據長齡等會議青海辦事大臣請照舊制仍駐劄西  
寧一摺所議是青海辦事大臣管轄地界遼濶從前定  
制駐劄西寧原以該郡城爲各路適中之地控制較爲  
得力若移駐貴德等處其餘番地較近者雖易於震懾  
而以全局而論則相距窈遠之地鞭長莫及轉恐顧此  
失彼自不若仍循舊制足資鎮撫至該處黃河以北輪  
派兵六百名扼要駐守務令嚴密巡查遇有番賊竊掠  
等事隨時捕緝該大臣暨西寧河州二鎮並實力操防

以靖邊圉不可稍有疎懈

嘉慶十三年二月二十日會同陝甘總督長公齡  
奏爲冰橋開化酌撤官兵並籌畫把守渡口事竊自去  
歲<sup>臣</sup>等籌辦善後事宜內在黃河北岸酌量於冰  
橋結凍時於忙多東信噶卜古托羅卜海沙喇布  
拉克等五處要隘共安兵六百名黃河南岸要路  
二處又令尖木贊都拉等把守均已奏明奉

旨俞允各遵照辦理去後自去秋迄今春各野番震懾  
天威不敢少有搶劫茲當春融冰橋開化之際官兵自不  
能常川在彼<sup>臣</sup>等卽於二月將官兵全數撤回原

營惟查去歲大通之案卽在四五月內是冰橋開  
化之後亦不可稍疎防範但官兵終歲爲蒙古防  
守旣非正辦而各旗蒙古怯懦有年亦正可藉此  
時番衆畏懼之際加以驅使可以稍鼓其氣去歲  
奉

旨令蒙古兵丁亦均協同防守臣那彥成卽飭令各旗攤  
派兵四百名今官兵旣已撤退所有蒙古兵丁仍  
應酌留一半其二百名口食於二十五旗內公攤  
亦不致過費伊等不能藉口窮苦致生推諉而口  
岸有人看守番子亦不敢公然往渡臣那彥成又



將渡口五處內可以挖斷之處忙多沙喇布拉克  
二處派人挖斷該二處不過留十餘人作爲瞭望  
其餘兵丁儘要隘三處酌量分派把守至黃河之  
南岸要隘三路仍嚴交尖木贊等看守不許私放  
一人過渡臣那彥成仍不時派人前往稽查不得  
令蒙古等偷減兵數尖木贊亦不得少涉疎虞至  
秋冬冰橋結凍之時臣等再行籌議奏

聞辦理謹

奏奉

硃批覽奏俱悉有犯卽懲切勿姑息

嘉慶十三年二月二十日會同陝甘總督長公齡  
奏尖木贊都拉自去年懲創之後極爲恭順去冬冰橋  
結束之時在黃河南岸來往梭巡不敢少懈野番  
竟無一搶掠之案實爲真心出力今年正月內來  
西寧叩見臣那彥成時極知感激

天恩畏懼出於至誠惟是番性多疑因降伊翎頂深懷不  
安前次會奉

俞允伊果認真出力再行保奏等因在案今旣真心出力  
深知畏法合無仰懇

天恩仍賞還其翎頂俾釋其愚情疑慮令其一心出力至

都拉本係六品頂戴熟番頭目旣一體出力亦應  
懇

恩加賞五品頂戴以示鼓勵伊等自必感激

鴻慈益加奮勉

臣

等亦可仰賴

天威此後驅使更宜得力謹

奏

嘉慶十三年三月初十日軍機大臣字寄奉

上諭據長齡那彥成奏尖木贊都拉自前此懲創之後極  
爲恭順去年冰橋結凍在黃河南岸梭巡野番竟無一  
搶掠之案實爲真心出力可否施恩鼓勵等語尖木贊

自上年降頂戴後能知感激畏懼奮勉當差於冰橋結凍之時往來梭巡至今無一野番劫掠之案尙爲認真出力著加恩卽賞還五品翎頂至都拉旣一體出力伊原係六品頂戴亦著加賞五品頂戴以示獎勵並著傳知該番目等以尖木贊於上年獲戾後甫經罰降頂戴今相距不過一冬因其愧奮出力能知約束野番不敢滋事卽經大皇帝格外施恩賞還原品翎頂其都拉能一同出力亦蒙賞加頂戴可見有過必懲有功必賞爾等果有出力之處無不立受恩施從此益當知感知懼管束番族認真巡邏庶可再邀獎賞如此明白曉諭該

番目等自必倍加奮勉始終不懈再此時冰橋雖已融化官兵均經裁撤從前野番卽有紮筏偷渡之案防範不可少疎所有南北兩岸仍當實力巡查將渡口嚴行把守如有查獲之犯按例嚴懲切勿稍存姑息爲要

嘉慶十三年四月初五日

奏爲訪獲稔惡窩匪之蒙古酌擬辦理恭請

聖訓事臣等自去歲軍營辦理番案拏獲與番子帶道之

蒙古辦理工具

奏在案惟是黃河南岸蒙番襍處旣係蒙古與番子通同作賊其窩賊寄贓必非一日而河南居住之五

旗蒙古亦未必全係通同作賊之人自必有匪徒  
潛相勾結以致賊番仗有窩主寄贓益肆搶竊臣  
因卽時刻留心訪察惟察漢諾們罕旗下所屬內  
有番子兩族多有通賊寄贓等事隨於接見察漢  
諾們罕之圖薩拉克齊台吉等並於差入番地辦  
事之延嘉呼圖克圖等均囑其留心查察僉稱察  
漢諾們罕平素恭順小心並無窩賊寄贓之事且  
本年黃河北岸添設蒙古防兵時察漢諾們罕旗  
下之兵曾先派齊把守河口最爲踴躍惟所屬圖  
薩拉克齊名羅布藏達什之兄恭柱平日嗜酒滋

事甚不安分每與野番勾結爲匪且招納各旗內壯健之人留爲阿爾巴圖以當爪牙前於嘉慶四年前任辦事大臣台費蔭因其熟識番族

奏請賞給圖薩拉克齊職銜令其改過自新在黃河南岸幫同防守欲藉其力以鉗束野番欽奉

諭旨以恭柱係在河南紮筏渡賊不治其罪已屬格外從寬如何可賞職銜欽此台費蔭當將頂戴撤回而恭柱於台費蔭去後仍竊用台吉頂戴依舊爲匪其強橫兇惡之狀不惟各圖薩拉克齊及喇嘛延嘉呼圖克圖等衆口同聲卽詢之伊弟圖薩拉克齊羅

布藏達什亦稱恭柱實爲伊家之大害若不早除  
兇暴將來必受其累懇請大人從嚴懲辦舉家頂  
感等語茲忽於本年正月間恭柱潛入西寧府城  
寓居客店並不來署謁見其歇家店主亦不具報  
迨<sub>臣</sub>訪聞查傳業已潛行逃遁查向來蒙古人等  
前來必須報明所過之卡方得入城今恭柱潛蹤  
而來匿蹟而去不知所作何事形迹可疑是以<sub>臣</sub>  
當卽傳諭察漢諾們罕飭令將恭柱押送來署以  
憑訊問嗣於<sub>臣</sub>起身之日始行解到當卽詳細訊  
供據恭柱俯首認罪無詞隨發縣管押<sub>臣</sub>已俱備



細告知文孚俟其到任後再爲詳加研訊具

奏查恭柱平素強橫不法勾結番賊竟敢竊用台吉頂戴且此次潛入內地行蹤詭密尤爲可惡自未便再事姑容以致養癰遺患將來或充發內地烟瘴地方俾其不能再歸故處或卽交伊弟羅布藏達什圖禁將其手下收留之阿爾巴圖等全行驅逐以令各歸原主以免將來滋生事端應如何辦理之處仰祈

聖明訓示飭知文孚遵照辦理謹

奏

容安謹按此奏以已陞轉南河副總河有

旨交後任查辦

敘績保薦

附恭報交卸

嘉慶十二年八月二十五日會同寧夏將軍興公

奎陝甘總督長公齡

奏爲軍務將蒧謹將軍營最爲出力人員據實保舉仰懇

天恩俯賜獎勵事竊

臣

等仰蒙

聖主畀以軍旅勦辦賊番仰仗

天威搗巢俘馘餘番咸知畏懼乞命投誠現在將次撤兵蒧事各緣由業經另摺奏

聞伏查此次軍營文武各員或帶兵打仗或運糧供餉原

屬分內之事本不應籲懇

鴻施但

臣

興奎身爲統領始終其事不得不據實陳

奏懇

恩以示誡勵除副都統提督各大員不敢仰祈

天恩外佐領阿寧阿奮勇出衆都司邵能打仗勇往熟習  
番情深爲得力該二員請

賞戴藍翎叅將張聯奎遊擊楊廷玉馬隆都司王建謨朱  
保守備劉印景萬彪格僧額千總張輝趙洪周把  
總馬天賜李吉昌經制外委戴如棟趙良資王士  
俊前鋒固寧阿富忠屢經打仗爭先奮勇殺賊均

請以各員應陞之缺儘先陞用至提督百祥從前  
曾經

賞戴花翎緣事降革此次督兵打仗向前出力合無仰懇  
天恩仍准賞戴西寧道慶旆奉

旨總辦糧餉各路大營山行數百里該道往來督運不辭  
勞瘁且自來蒙古番子均皆感戴均係西寧熟手  
報

恩賞戴花翎西寧府知府馬愚隨營辦糧親身催督毫無  
貽悞懇

恩賞戴藍翎環縣知縣達林請

賞知州銜候補縣丞高鵬飛候補直隸州州判賈昇候補  
主簿施崙源周礪候補未入流沈廷模等跟隨前  
敵供運糧餉軍伙日夜奔馳均能認真出力懇

恩儘先補用再西寧辦事衙門候補筆帖式勤達瑪呢富  
惠二員跟隨貢楚克札布辦理蒙古番子事務極  
爲出力懇

恩俟本衙門缺出不論旗分先行補用以上文武各員

臣

興奎均將其勞績備細據實告知

臣

長齡那彥成

等

臣

長齡那彥成亦經覆查無異理應合詞具

奏可否量加鼓勵之處出自

聖主天恩再隨營辦理糧務人員候補吏目捐陞雙月府  
經歷鄭英請著令捐足雙單月留於甘省遇缺卽  
補因買補塘馬遲延叅革原任武威縣知縣蔡本  
崇因到省逾限部議革職甘肅試用府經歷李煥  
等二員請留於本省就近捐復原官謹

奏

嘉慶十二年九月十六日奉

上諭興奎等奏軍營最爲出力人員懇恩獎勵一摺此次  
勦辦賊番搗巢俘馘餘番咸知畏懼乞命投誠現已撤  
兵蒞事所有在事出力文武各員或帶兵打仗或供運

糧餉均能不辭勞瘁自應量予恩施佐領阿寧阿都司  
邵能均著賞戴藍翎交部議敘叅將張聯奎遊擊楊廷  
玉馬隆都司王建謨朱保守備劉印景萬彪格僧額干  
總張輝趙洪周把總馬天賜李吉昌經制外委戴如棟  
趙良資王士俊前鋒固寧阿富忠均著以應陞之缺儘  
先陞用仍交部議敘提督百祥前曾賞戴花翎因事降  
革此次督兵出力著賞還花翎交部議敘西寧道慶爍  
著賞戴花翎交部議敘西寧府知府馬恩著賞戴藍翎  
交部議敘環縣知縣達林著賞加知州銜候補縣丞高  
鵬飛候補直隸州州判賈昇候補主簿施崙源周礪候



補未入流沈廷模均著儘先補用西寧辦事衙門候補  
筆帖式勒達瑪呢富惠二員著俟本衙門缺出不論旗  
分先行補用隨營辦理糧餉捐陞饒月府經歷之候補  
吏目鄭英著令捐足饒單月留於甘省遇缺卽補叅革  
知縣蔡本崇革職試用府經歷李煥二員均准其留於  
本省捐復原官補用以示鼓勵該部知道

光緒十二年九月十八日會同西寧將軍興公奎

陝甘總督長公齡

奏爲續保辦理後路糧運各員懇

恩獎勵事竊查辦理隨營糧務各委員業經臣興奎查明

勞績開單保

奏在案茲臣等續經查出辦理循化一路糧運各員均能源源接濟無悞供支與前保貴德一路糧員同著微勞自應一併仰懇

聖恩量加獎勵以示公溥所有署西寧縣沙泥州判李燿署碾伯縣候補知縣周廷芬前署大通縣丹噶爾主簿李敦源懇

恩交部議敘又候補府經歷余繼城候補縣丞馮墻候補主簿韓元吉候補從九品王世琳懇

恩以本班儘先補用俾該員等一體仰邀

優典自必倍加感奮益勵勤勞謹

奏

嘉慶十二年十月初五日奉

上諭興奎等續保後路糧員請量加鼓勵一摺西寧剿辦  
賊番現已戢事所有貴德一路辦理隨營糧務各員前  
經興奎等奏到卽經降旨加恩茲據該將軍等續查出  
署知縣李燿等委辦循化一路糧運亦均能源源接濟  
無誤該委員勞績相同自應一體加以恩獎著照所請  
署西寧縣沙泥州判李燿署碾伯縣候補知縣周廷芬  
前署大通縣丹噶爾主簿李敦源均加恩交部議敘其

在省候補之府經歷余繼城縣丞馮塘主簿韓元吉從九品王世琳俱著加恩以本班儘先補用該部知道

嘉慶十二年九月十二日會同寧夏將軍興公奎陝甘總督長公齡

奏爲懇

恩賜卹軍營病故之循化同知事竊查循化同知國明安自今春辦理番案帶領喇嘛通事人等查緝賊匪倍歷勤勞嗣值官兵進剿賊番該同知供應軍糧源源接濟並親在前敵照料未嘗少有遲悞該員本有痰壅舊症此次往來番地觸犯瘴氣積勞過

甚以致舊恙復發於八月內在軍營病故該員勤奮急公歿於

王事情殊可憫合無仰懇

聖恩准照軍營病故之例交部議卹之處出自

鴻慈謹

奏

宣慶十二年十月十二日奉

上諭興奎等奏軍營病故同知懇恩賜卹一摺國明安在循化同知任內隨營勦辦番賊著有微勞茲以觸犯瘴氣積勞身故著加恩准照軍營病故例賜卹該部知道

嘉慶十二年九月二十一日會同寧夏將軍興公  
奎陝甘總督長公齡

奏爲查明隨營出力之喇嘛土司保

奏事竊查此次勦捕野番仰仗

皇上天威屢次焚巢獲醜足以懾服番衆之心又得各喇  
嘛等深入番地宣揚

教化使其革心革面悔罪投誠該喇嘛等著有微勞自應  
量加鼓勵所有延嘉呼圖克圖納旺丹津甲木錯  
應請

賞給扎薩克喇嘛職銜伊弟什加班智達呼畢勒罕丹津

林沁應請

賞給達喇嘛職銜又喇嘛羅布藏並隆務寺之昂貴喇嘛  
根惇甲木錯二名請

旨給蘇拉喇嘛職銜如蒙

俞允請

交理藩院照例發給執照以示綏柔此外尙有素爲番衆  
敬信之各寺喇嘛臣等現在查傳來見面爲曉諭  
將該寺附近番族卽責成該喇嘛勸諭約束不令  
滋事如果出力再由臣那彥成陸續奏懇

聖恩酌加獎勵至此大調派撤拉爾回兵隨同打仗甚爲

奮勇前奉

諭旨令<sub>臣</sub>等於事竣後擇其實在出力者保

奏數人酌加獎勵欽此<sub>臣</sub>等遵查此次撤拉爾回兵隨

同打仗均屬勇往且能遵守紀律並未滋生事端

所有帶領回兵之士司韓輝宗韓卿二名懇

恩賞戴藍翎韓一提八拉馬八十三馬三十八懇

恩賞給土把總又土兵韓六十韓六十八韓哈三格韓五

十八查迭連已馬一細卜韓三十七韓忠馬三十

五均懇

恩賞給外委頂戴以示鼓勵又碾伯縣土司李世泰所屬



土千總李國士熟悉番情半載以來屢經臣興奎等差委採聽番地情形並隨同延嘉呼圖克圖等前赴各番族往來傳諭不辭勞瘁甚爲出力可否仰懇

天恩賞戴藍翎以示鼓勵之處出自

鴻慈謹

奏

嘉慶十二年十月初二日奉

上諭興奎等奏查明隨營出力之喇嘛土司懇請加恩鼓勵一摺此次剿捕野番各喇嘛等深入番地宣揚教化

使其悔罪投誠自應酌加獎勵著照所請延嘉呼圖克圖納旺丹濟甲木錯著加恩賞給札薩克喇嘛職銜什加班智達呼畢勒罕丹津林沁著加恩賞給達喇嘛職銜其喇嘛羅布藏並隆務寺之昂貴喇嘛根惇甲木錯二名著加恩賞給蘇拉喇嘛職銜至所調撒拉爾回兵隨同打仗均屬勇往安靜所有帶領回兵之士司韓輝宗韓卿二名著賞給藍翎韓一提八拉馬八十三馬三十八著賞給土把總士兵韓六十韓六十八韓哈三格韓五十八查迭連己馬已細卜韓三十七韓忠馬三十五均著賞給外委頂戴碾伯縣土司所屬土千總李國

士著賞戴藍翎以示鼓勵餘俱著照所請行

嘉慶十三年四月十六日

奏爲恭報交印起程日期事竊

臣仰蒙

聖慈畀任江南副總河當將感悚下忱具摺叩謝

天恩於初三日專差齎

奏在案伏思西寧番族甫經懲創之後其一切撫綏控

馭止關緊要自去秋以後所有蒙古番子情形亦

應詳細告知督

臣

長齡且約計文孚亦將行抵蘭

州正可三面會籌適野番昂貨喇嘛根悖甲木錯

前來謁見稟請進省叩謁總督因思

臣

已將交卸

文孚尙未熟悉情形

臣

令其隨同進省面見長齡

加以愷諭於撫綏之道亦覺有裨當卽帶同該喇

嘛於十一日自西寧起程途間接見省信知文孚

准於十四日進省

臣

卽兼程前進亦於十五日起

抵蘭州與文孚長齡相晤當將西寧蒙古番子一

切情形詳細告知文孚並將現在應辦事宜與長

齡文孚悉心商酌又令昂貧喇嘛謁見長齡文孚

開誠曉諭量加賞賚該喇嘛歡欣感謝現已派員

護送出口去訖隨於十六日將西寧辦事大臣關

防移交文孚接收任事

臣

交卸之後卽行起程馳

詣

闕廷叩謝

天恩跪聆

聖訓謹

奏奉

硃批覽

那文毅公西寧辦事大臣奏議卷十七

那文毅公江南副河道總督奏議卷十八目錄

卷十八

恭謝

天恩

會察鹽務

治河

那文毅公江南副河道總督奏議卷十八

男容安恭輯

恭謝

天恩

嘉慶十三年三月二十三日

擢授江南副河道總督

嘉慶十三年四月初三日

奏爲恭謝

天恩事竊

臣

於四月初一日接奉

上諭江南河道總督員缺緊要現據鐵保奏戴均元患病



情形恐一時未能痊愈自應卽令開缺安心調理所有  
江南河道總督員缺著徐端補授其江南副總河員缺  
著那彥成補授那彥成係曾經獲咎之人著加恩賞給  
三品頂戴以觀後効其西寧辦事大臣員缺著文孚補  
授並加恩賞給副都統職銜文孚於接奉諭旨後著將  
發審事件專文錢楷審辦卽馳驛前赴西寧接印任事  
以便那彥成交代起程馳驛來京陛見前赴新任戴均  
元俟病痊後著來京另行簡用欽此竊

臣世受

國恩幼蒙

內廷養育無報稱而

殊恩異寵什倍於中外臣工重以屢獲罪愆荷

再造之隆施得保全至於今日計臣自効力伊犁甫及半

年

授爲領隊卽調回疆旋

擢爲西盜辦事

臣

自到任以來辦理蒙古番子事務仰蒙

聖明指示僕倖邊境敕清自知從前罪戾至重冀幸於邊

疆之地得承

教導之恩竭盡犬馬之力多駐數年少圖報効今乃荷蒙

格外超擢

賞給三品頂戴授爲江南副總河伏念

臣

驚駘下質事事

庸愚且以獲咎之人不二年間用至總河以威以懼白顧何人被此

殊遇惟是

臣於河工事務毫未經涉聞命自

天惶恐不知所措現俟文孚到來

臣卽行遵

旨馳驛進京

陛見恭請

聖訓惟有面求

皇上教導成全謹

奏奉

硃批覽

嘉慶十三年五月十九日瞻

觀

會察鹽務

嘉慶十三年閏五月初三日

奏爲途次接奉

諭旨恭摺奏報事竊

臣

於二十九日起程初一日行過涿

州途次接奉

諭旨現據御史史祐奏兩淮鹽政額勒布等蒙混奏請淨  
增餘息自應徹底清查著派托津率同該御史馳驛前  
往查辦並遴派明幹司員隨同馳驛前往計那彥成陞  
辭起程此時甫過涿州一帶托津於途次當可相遇卽  
會同馳驛前赴揚州秉公查核那彥成且不必赴任俟

辦竣時再回清江接印長麟戴衢亨前此交查兩淮襍  
費襍款之事現在如已查明自必專摺具奏倘尚未查  
辦完竣俟托津那彥成到時移交辦理長麟卽來京供  
職戴衢亨卽由彼暫回籍省視可也欽此臣當卽輕騎  
減從遵

旨馳驛前進約計托津於一二日內自當起程出京臣擬  
稍爲緩程行走於直隸山東交界處所應可等候  
相見臣惟有細心秉公協同托津詳查辦理事竣  
赴任後再至南河履勘各處情形所有面奉

諭旨長麟戴衢亨覆奏應辦各工此時臣不能查勘統俟

接印後再行覆奏外如在清江浦會見鐵保卽將  
奉

旨交問之事傳

旨令其自行具奏謹

奏奉

硃批覽

嘉慶十三年閏五月十六日會同戶部侍郎托公

津

奏爲途間接奉

廷寄恭摺覆

奏事竊臣等於本月初九日亥刻行至山東禹城縣途

次接准軍機大臣字寄嘉慶十三年閏五月初七

日奉

上諭長麟戴衢亨奏查明兩淮鹽務襍項等款官商並無  
侵冒一摺兩淮襍項各款向係公捐爲各口岸官役兵  
丁辛工等費雖無關於正課亦應據實開報著照所請  
自戊辰綱爲始將每年巡費辛工襍項襍費分別造冊  
報部存案以息浮議其賞借項內支用之款歷年旣無  
報部核銷之例應仍令該鹽政循照舊章辦理無事更  
張此事旣據長麟戴衢亨公同查核官商並無侵冒等



樊諒係實在情形但御史史祐係原奏之人現已隨往揚州著將原摺清單發交托津那彥成就近轉給史祐閱看該御史職係言官例得言事卽所知未盡確切所核銀數未能符合亦不必自行迴護朕不加責備倘此次所查尙有不實不盡之處亦不妨令其指明款項托津那彥成再爲詳細確查務須秉公辦理以服其心爲要欽此仰見我

皇上鑒空衡平大公至正之意

臣等當將接奉

諭旨及長麟等原摺清單轉交御史史祐閱看並遵照諭旨內所指情節向該御史逐款詢問有無不實不盡之

處令其確切指明再行奏請核辦據稱史祐奏請  
清查兩淮襍項襍費因部中無此款目議令列入  
奏銷該鹽政屢次求免造報經部駁查又遲延未  
覆疑其有浮冒情事是以奏請清查今既據

欽差尚書長麟等按款查明並查照原議將襍項襍費自  
戊辰編起造報核銷已足以杜侵浮而昭核實至  
賞借銀兩史祐前奏稱二百餘萬兩係據鹽政上年各部  
文冊計算是以與

欽差長麟等此次逐款查核清單銀數不合此外並無款  
項可指更請查辦史祐荷蒙

諭旨悚感交并惟以分若微末不敢具摺謝

恩懇求代爲陳奏等語臣等伏查襍項襍費旣據該御史

登覆各頂款目業經長麟等查明按年報部核銷

足杜侵冒其

賞借銀兩數目不符之處亦據將不符緣由聲敘此外並無別款可指是該御史實已心服自可無庸再行查辦臣等惟趕赴揚州將餘息一項悉心查詢以期

國課商情兩有裨益謹

奏奉

硃批知道了

嘉慶十三年閏五月二十四日會同戶部侍郎托

公津

奏爲查明兩淮請增餘息並無朦混情弊事竊臣等於

途次遵

旨將長麟等查明兩淮襍費襍項並無侵冒摺單交御史

史祐閱看並詢明實無別款可指業已心服緣由

據實覆

奏在案茲於閏五月二十日行抵清江浦卽率同史祐

將所奏朦混加息各情節向鐵保查詢據稱前因河工需費浩繁商人等報効情殷是以據情陳奏又因舊捐之項尙未全完恐商力疲乏因一併請加餘息以示體恤其所加一分五釐摺內原聲明按照上年額勒布所奏之數部中有案可稽不能稍涉朦混至於核計綱引飭兩細數係鹽政專管之事故摺內未經詳敘詢之史祐亦以上年兩次陳奏均係鹽政專銜總督自未能熟悉細緻等語及二十二日行抵揚州復公同以前項情節向額勒布逐細詳詢據稱我於嘉慶十一年到任適值

連年旱澇場價昂貴商力難支是以兩次援照乾隆五十四年全德奏案請加餘息一分五釐並請飭交江西湖廣各督撫查核覆奏業據湖廣總督汪志伊將成本餘息綱引觔兩數目細加核算每引議加銀四錢二分經部覆准有案本年鐵保因籌及河工經費經商人等呈請捐銀三百萬兩並恐商疲墮運是以會銜奏懇仍照上年請加餘息我十一年原奏本聲明除原額三錢之外請加一分五釐是以將乾隆五十四年所加之一錢二分扣除此次所奏係援照前案則上年所加之四錢二分自

應一併扣除實難稍涉朦混臣等因向史祐詢以  
摺內因何指爲朦混有別項弊竇據稱我因額勒  
布請加餘息前後摺內均未將每觔每引每綱所  
加賣價分晰聲敘而商人所得之項轉多於報効  
銀兩且息銀於本年卽行加增捐項俟六限後始  
行歸款是以疑額勒布所奏朦混至摺內所稱每  
年增銀一百八十餘萬兩係按照一分五釐統算  
今額勒布所算係扣除上二次所加之五錢四分  
與戶部所核一百三十五萬餘兩之數兩下均屬  
相合此外並無別項情弊各等語是鐵保額勒布

此次奏增餘息均無朦混臣等伏查該督等因河工需費浩繁不得不准商人報効又恐商力疲乏或致悞運墮銷爲之酌量調劑尙屬因時制宜且所增銀數業據該御史核明戶部所算實無訛錯此外並無別項情弊均可無庸置議至御史史祐以商捐之銀不及加息之多又係先墊庫項數年後始行歸款奏請分別核辦所言雖屬爲公惟於額勒布摺內未經聲敘細數指爲朦混取巧措詞未免過當應請

旨將御史史祐交部察議再臣托津於拜摺後卽起程回



京復

命臣那彥成卽赴南河到任視事謹

奏

嘉慶十三年六月初三日奉

上諭托津那彥成奏查明兩淮請增餘息並無朦混情弊  
請將御史史祐交部察議一摺兩淮請增餘息若果有  
朦混取巧情事自應查明懲究是以特派托津那彥成  
率同該御史馳往詳核今旣查明此次所加餘息一分  
五釐於摺內聲明按照上年額勒布所奏之數現有部  
案可稽並未稍涉朦混至該御史所稱每年增銀一百

八十餘萬兩係按照一分五釐統算詢之額勒布則稱  
扣除上二次所加五錢四分與戶部所核每年增銀一  
百三十五萬餘兩之數均屬符合並無別項情弊該御  
史輒以朦混取巧具摺入奏未免措詞過當但念其究  
係言官例得風聞奏事且所請核辦餘息一事尙屬爲  
公起見所有托津等請將該御史交部察議之處著加  
恩寬免

嘉慶十三年閏五月二十四日會同戶部侍郎托  
公津

奏爲商人報効情殷據呈奏

聞事據額勒布以總商江廣達等感激

天恩優渥情愿全捐籌辦河工銀兩台詞呈懇具

奏前來

臣

等查呈內所稱商等前請報効銀三百萬兩

仰蒙

聖恩賞收

優加議敘並照上年奏加一分五釐餘息暫時售賣自此  
可以補成本之不足商等感激

鴻慈不敢專利肥己值此大工興舉之時急公念切通河  
各商籌議請照核定全河工程所需銀五百九十  
餘萬兩除前捐銀三百萬兩外再捐銀三百萬兩

以濟要需伏乞奏明

賞收並稱商等成本俱係隨時營運散在各岸家無餘蓄  
一時不能湊集請於已已綱起分限八年隨同前  
捐各款按年呈繳俾商力稍可紓展等語臣等察  
看情詞甚屬懇切並公同面詢各商該商等伏地  
碰頭同稱實在感激樂輸懇求代爲陳

奏是其報効之心出於至誠合無仰懇

皇上天恩俯准

賞收以順商情而資工用至所請分限八年完繳之處查  
該商等於嘉慶十二年起應交報効銀三百萬兩

係分作六限完交除截至戊辰綱已完二限外尙  
有四限未交應扣至十七年掃數全完其本年五  
月新捐銀三百萬兩係奏准於舊捐六限後續分  
四限完交應於十八年起扣至二十一年掃數全  
完今現捐之三百萬兩應於己巳綱起分作八年  
每年完交銀三十七萬五千兩隨同上兩次捐款  
統於二十一年掃數全完至於現加餘息一分五  
釐俟河工告竣仍應遵照前

旨再行酌量

奏明停止謹

奏

容安謹按此奏奉

旨允准

治河

嘉慶十三年閏五月二十九日

奏爲專差恭報到任叩謝

天恩事竊

臣

自閏五月二十五日揚州拜摺後於二十七

日回至清江到任任事伏念

臣

屢蒙

聖恩棄瑕錄用大馬驅馳實涓埃之未効

成全矜恤愈感愧之難名茲復

簡用江南副總河惟

臣

於河工事務未曾一日經涉撫躬

悚懼夙夜難安幸得於

陛辭時得蒙

皇上格外施恩准

臣

學習三年

寬以責成勉期後効

臣

祇當竭盡心力事事留心隨同鐵

保徐端二人悉心講求斷不敢因有限期學習少

涉寬假亦不敢以毫未經歷妄恃已見惟有恪遵

聖訓虛衷博訪廣求衆益以冀實力實心仰報

高厚鴻慈於萬一謹

奏奉

硃批虛衷講求實心任事勉之

嘉慶十三年閏五月二十九日

奏

臣

面奉



諭旨令

臣

將長麟等復查應辦各工於到任後均挨次查

閱復奏欽此近日因洪澤湖異漲陡長水一丈八尺三寸又以連日西南風大高堰山圩一帶磚石各工當衝處所掣卸至一百餘處水泊堤岸僅餘一二尺勢甚險急臣隨同鐵保徐端等分投督催晝夜搶護目前幸尙無虞查該堤外石內土頂寬八九丈至十丈不等石工一經掣卸土工亦愈刷愈進現在刷進竟有深至數丈之處均經臣等隨時搶鑲保護無虞據目下情形而論是鐵保所奏與長麟等復勘奏准培厚石後土堤按舊堤原寬丈尺

一例酌幫頂寬二三四丈方可足資抵禦尤爲目  
下亟應辦理之工至臣此時自應先卽隨同鐵保  
等分投督催搶險其餘各工俟洪澤湖異漲消落  
時臣再行前往查勘復奏至臣等商定洪澤湖異  
漲非尋常險工可比二十八日業已具奏日內亦  
卽擬具摺奏

聞謹

奏奉

硃批覽

嘉慶十三年六月初五日會同兩江總督鐵公保

江南河道總督徐公端

奏爲洪澤湖異漲尙未平減清江淮安搶護無事緣由  
事竊照本年伏汎洪澤湖因上游皖省蛟水陡發  
盛漲異常高堰誌椿長至一丈九尺爲從來所未  
有先經開放信壩有長無消祇得添放智壩以資  
宣洩各緣由節經臣等於二十八初三等日恭摺  
馳

奏在案初三日巳刻又有雷雨仍係西南風暴湖水奔  
騰掀簸拍岸盈堤束清壩及運口頭二壩竭力搶  
護間有墊卸幸未全行刷塌門戶尙足支持惟三

壩姓蟄較甚惠濟頭閘背過水幾及三尺情形更爲危險下注五孔橋澆入玉帶河堤身出水高者不過一二尺卑者僅賴加築子埝救護清江浦形如釜底官署民居鱗次櫛比倘經湧水灌入勢必盡遭淹沒臣等分駐河口往來督率以遏上流晝夜不歇心力交困更念北岸淮關淮城一帶關繫億萬生靈尤爲喫緊且於下游高寶阜鹽通泰各州縣毫無攔阻就近居民一聞水漲扶老攜幼紛紛遷徙情形不無惶懼臣等焦急萬狀一面曉諭安頓并逐段添布員弁多備料土以資捍禦無如

硃

堤卑之處節節過水應接不遑是日申刻淮關迤  
上百子堂對過運河南堤漫開五十餘丈水就低  
窪由白馬湖下注高寶諸湖入江運河水勢驟落  
二尺有餘於是淮關淮城一帶始獲咸思之至瓦全但上游  
自頭壩以至烟墩營房三十餘丈仍屬漲滿二壩  
南岸臨湖輒工被風掣通四十餘丈湖河聯屬一  
片而清江浦坐當其衝仍有灌頂之勢臣等諮詢  
道將廳營並訪之居民及老兵等作何設法疏導  
均稱有佘家壩地方向建涵洞引水下注若從此  
處再得宣洩仍歸入白馬諸湖足資容納因卽派

委幹員前往啓放登時過水約寬十餘丈勢若建  
瓴上游立即消落清江浦得免淹灌民情始覺安  
貼並經淮關監督臣祥紹不分畛域捐資備料於  
北岸一帶添派員弁逐處照料搶鑲防護均得平  
穩臣等察看情形二壩臨湖掣通之處必須趕緊  
先行堵築余家壩及百子堂南岸亦應盤住裏頭  
俾不至冲刷過寬現在擇要分投搶辦此次運河  
北岸之清江浦淮關淮城以及淮北商人聚處之  
湖嘴等處均於萬分危急之餘得以保全無事萬  
姓同聲額手實賴

聖主洪庥

河神靈佑出於意外之幸臣等亦覺喘息稍定其因迴溜  
激盪汕刷之堤岸殘損處所現俱一一補鑲完整  
務保無虞以冀仰慰

慈厯至百子堂對過漫口

臣

鐵保飛劄地方官並分派幹

員前往清水經過之處確查民田廬舍有無淹浸

受災立即先爲撫卹不令失所惟

臣

徐端專司河

務照應未能周到

臣

鐵保兼管河防

臣

那彥成已

到任數日均難辭咎相應請

旨交部分別議處以示懲儆再山旰智壩檄飭道員督同

該廳營啓放過水尙屬平穩初五日湖水誌椿一丈八尺八寸較前落水二寸黃河水勢上游陝州萬錦灘於閏五月二十六日又長水一尺八寸江境逐日增長兩岸各埽工督飭各道將廳營一律加謹防守尙俱穩固合併陳明並繪圖貼說恭呈

御覽謹

奏

嘉慶十三年六月初十日軍機大臣字寄奉

上諭鐵保等奏洪澤湖異漲漸就平減清江淮安搶護無事緣由一摺並繪圖貼說進呈朕詳加披閱洪澤湖自



皖省蛟水陡發異常盛漲高埧誌椿長至一丈九尺爲從來所未有經鐵保等酌量情形先後啓放信智二壩又因雷雨風暴湖水拍岸盈堤勢甚危急旋於淮關迤上百子堂對過運河南堤漫開五十餘丈水就低窪下注入江運河水勢驟落二尺有餘湖水較前消落二寸淮關淮城一帶始獲安全其上游二壩臨湖掣通處所自啓放奈家壩後藉資減洩清江得免淹灌覽奏實深感慰前經鐵保等節次奏報洪澤湖盛漲啓壩宣洩緣由朕卽念及高埧堤工關係淮揚保障斯夕齋心默禱以期漲水漸消今於萬分危急之際由運河南堤漫開

下注水勢頓消淮揚數百萬生靈得以保全寧貼實爲  
不幸中之幸此皆仰賴

天恩

神佑

俯鑒籲禱之誠用昭

靈貺欽感之餘倍深寅惕著發去頭號藏香五炷二號藏  
香五炷交鐵保等分詣

河神廟代朕虔誠祀謝以冀永慶安瀾鐵保等自請分別  
議處一節此次運河南堤漫溢幸清江淮安等處得以  
保衛無虞鐵保等本可加恩無庸懲處惟於前歲湖水

異漲後上年無事之時並不早爲籌畫預圖保護之計以致大汛經臨束手無策究屬辦理不善除那彥成甫經到任加恩免其交議外徐端專司河務咎無可辭著交部議處鐵保兼管河防未能預爲籌及亦有不合著交部察議昨據鐵保等奏稱風雨昏黑之際督率道將竭力搶救本日又稱搶護幸獲無事喘息稍定等語殊不思宣防要務未經綢繆於事前祇知補苴於事後雖風雨焦勞亦徒然無益且喘息稍定卽漸忘危急之時何若先時籌計萬全免致臨期竭蹶耶此時鐵保等惟應同心協力加意防護設法疏浚並將埧圩應辦各工

通盤籌畫俟水勢消落後卽當次第興修現在河工備用銀兩除浙商報効銀一百二十萬兩外已有六百萬兩經費充裕碎石坦坡一事亦應亟籌辦理切勿仍前泄泄也其下游被水處所仍遵昨旨遴派發往各員分赴查勘如有應行撫卹蠲緩之處卽著據實奏聞候朕施恩毋稍諱飾並將近日湖河水勢情形如何一併速奏以慰廑注

嘉慶十三年六月初九日會同兩江總督鐵公保  
江南河道總督徐公端

奏爲湖河水漲畧消磚工缺口冲刷較寬分別疏消堵

閉情形恭摺馳

奏事竊照六月初二三等日河口一帶水勢非常異漲  
洪澤湖一丈九尺兼逢日西南風暴掣通臨湖磚  
工與運口連成一片情形十分危險幸添啓智字  
壩酌開余家壩分路減洩並漫開百子堂運河南  
岸滙注入湖清江淮安一帶得以保全各緣由經  
臣等繕摺馳

奏在案臣等率同道將廳營大小員弁晝夜在工竭力  
搶辦初五六七等日均有驟雨狂風約一兩時許  
不等察看湖水誌椿消水八寸外河順黃壩亦落

水一尺二寸清黃水勢俱已消動埧盱大堤雖至損處所甚多臣等督飭候補道葉觀潮裴世璘等一面加培子埧一面用料搜護尙可保守臣等悉心籌議擇要施工如奈家壩形勢建瓴一經過水刷塌較寬丈量口門刷寬至八十餘丈應卽趕緊盤頭收束稍緩進占庶清水得有去路智信兩壩購料較難應預辦正襍各料俟湖水消至一丈五尺以內卽相機堵閉以免過於宣洩百子堂對過七里溝漫口已寬六七十丈分溜入湖運河卽形淺涸必應趕緊堵塞俾船隻南北通行而目下尤

爲緊要者則莫如臨湖磚工掣通之處該工續又  
掣通一段其東首一段掣長四十餘丈西首一段  
掣長六十餘丈在二三壩之間現在續塌未定水  
流迅駛迴溜激盪直冲對岸而對岸又係一綫單  
堤寬廣不過三四丈隨鑲隨墊兼之三面皆水毫  
無取土之地用船剝運又在數里之外臣等帶同  
淮揚道鰲圖專駐該處以全力搶辦歷五晝夜未  
能片刻歇手趕鑲埽段已有二百數十丈預籌抵  
禦以保萬全無如初七日大風暴雨徹夜不絕爲  
時更久掀簸湖水湧進缺口頂冲對岸愈冲愈急

炷蟄不止昏黑之間人力難施浪泊堤頂兵丁民夫爲浪所吸溺斃多名埽尾過水一處水由三壩繞出後汊河仍歸頭二三閘臣等恐水勢越高坂頭五孔橋等處草壩則清江淮關淮安正當其冲不免先受淹灌復趕將運河南岸開通一處俾水仍由奈家壩一路空濶之處下注入湖其北岸逐段加鑲高厚以資抵禦初八日午刻水勢稍定清江至淮安一帶民居稠密之處仰賴

皇上洪福尙未被水實爲不幸中之幸臣等自恨驚駭又值此非常異漲發自上游暴雨疾風連日不止人



力難施雖頂踵捐糜無裨實濟惟有竭盡心力加緊籌辦盡人事以迓

天庥現已多派廳汛將備人員四處購運正礮各料勒限  
星夜到工加緊興辦臣等公同核算堵閉臨湖磚  
工二處裏河缺口三處并山圩智信兩壩按寬深  
丈尺約估料土銀數共需銀一百數十萬兩現在  
秋汛正長河庫修防之項尙在不敷無可動墊無  
米爲炊勢難坐悞不得不據實瀝陳仰懇

皇上天恩

俯准臣等在於就近兩淮江浙藩運關各庫札詢有銀之

處分投咨撥銀一百五十萬兩漏夜解工濟用俾得接續應手趕辦當此急如星火之時不能再待部撥覆到以致延悞仍俟興工隨時

奏報并於工完核明實用數目照例分別銷賠臣等惟有自矢天良凡可撙節之處亦斷不敢任意糜費以重工程而節

國帑臣等不勝惶悚急迫惕息待

命之至再清江淮關淮城一帶北岸堤埝俱已加鑲平穩河庫道李奕疇專任清江是資照料余家壩白子堂對岸以及智信兩壩等處過水下注滙歸高寶

諸湖恐運河各閘壩一時宣洩不及下游難免淹  
浸之患臣等先經飛劄江寧藩司揚州淮安二府  
及地方州縣該管廳營妥爲防範實力查勘遇有  
被淹處所先行撫卹現據高郵州稟報初四五等  
日運河淺涸誠恐湖水驟至業經各閘壩一律啓  
放其餘未據報到又黃河兩岸堤埝該廳營逐段  
修守惟山安廳屬之四汛民埝報有撞塌漫水尙  
俱平穩謹

奏

嘉慶十三年六月十四日軍機大臣字寄奉

上諭鐵保等奏湖河漲水畧消磚工缺口冲刷較寬分別  
疏消堵閉情形一摺覽奏厘念之至百子堂對過七里  
溝漫口前日祇寬五十餘丈今又寬至六七十丈而臨  
湖磚工掣通之處續又掣通一段共計有一百餘丈且  
續塌未定其對岸一線單堤愈冲愈急清江淮城等處  
危險已極經鐵保等將運河南岸開通一處俾水仍由  
柰家壩一路下注入湖水勢始克稍定尙係不幸中之  
幸此皆該總河等平日不知預爲籌備所致伊等摺內  
敘及數日來惶恐急迫情形萬分竭蹶現在風雨中晝  
夜搶護實亦不遺餘力然果綢繆未雨何致倉猝間東

手無策高堰爲淮揚數郡保障關係百萬生靈非常緊  
要不但伊等平素招內帑敘此語卽此間亦洞悉情形  
時時降旨諭及然此間相隔遙遠不能懸揣工段情形  
無從措手惟有提撕警覺不憚諄諄至伊等朝夕在工  
往來查勘豈於工程應行修築培補之處全然不知而  
乃膜不經心泄泄沓沓惟事托之空言以致異漲之來  
磚工頻露坍塌伊等平日意圖見好輒以經費有常卽  
見有應辦工段亦多藉口因循試思此時各處缺口層  
見疊出需用工料若干災區民戶應行撫卹賑濟若干  
將來蠲免錢糧又需若干其多糜帑項何啻倍蓰又何

如將堤工及早經理處處完善尙不致如目前之繁費  
乎此事邾彥成甫經到任數日與伊全無干涉徐端本  
係河員出身自擢任總河以來專司河務業已數載不  
能預爲防備其咎較重鐵保兼管河務在彼督辦有年  
亦難辭咎若不分別懲處伊等仍前大意不知儆懼愧  
奮徐端著革去頂戴花翎鐵保著革去花翎降爲二品  
頂戴以觀後効如果伊等感激奮勉將一切應行堵築  
各工認真經理屆時或派員前往勘驗實在完善再行  
量予施恩勿再經理不善致干重譴至臨湖磚工掣通  
至一百餘丈看來當日辦理此工本不堅固著鐵保等

卽行據實查明此項磚工係何年所辦曾否逾保固之  
限係何人任內之事是否戴均元吳璥俱曾經手督辦  
著確切查明將河臣工員分別叅處著賠不可稍有瞻  
徇至所稱核算堵閉各工現在需銀一百五十萬兩請  
在兩淮江浙藩運關各庫咨詢提撥之處此時辦工緊  
要亦不得不如此提撥應用著卽照該督等所請准其  
分投咨撥趕緊搶辦將來各處所提之項均在於淮商  
報効之六百萬款內照數撥還仍當分別銷賠毋稍含  
混其下游受災各處著卽遵照前旨飛速遴員分投查  
勘一切撫卹蠲賑事宜務卽認真經理庶被災貧民不

致失所慎勿再有諱飾再黃河上游昨據甘肅奏報驟長至二丈有餘何以本日伊等摺內轉稱順黃壩落水一尺二寸實不可解其因何消落之故殊爲廕念著卽查明具奏並通飭各處工員慎重防範爲要所有落水淹斃之兵丁民夫等著查明分別咨部卹賞

嘉慶十三年六月十八日

奏爲恭摺叩謝

天恩事竊

臣

欽奉

上諭此次運河南堤漫溢幸清江淮安等處得以保衛無虞鐵保等本可加恩無庸懲處惟於前歲湖水異漲後



上年無事之時並不早爲籌畫預圖保護之計以致大  
汎經臨束手無策究屬辦理不善那彥成甫經到任加  
恩免其交議欽此伏念臣於河防事務從未究心仰蒙  
恩命畀以副總河之職甫經抵任卽值洪澤湖盛漲兼逐

日風雨運口危急異常

臣

戰兢悚惕與督

臣

鐵保

正河

臣

徐端晝夜督率搶護設法宣導幸將淮浦

一帶保全無事而臨湖磚工等處因溜急漫口

臣

職司河務例有應得之咎迺荷

皇上天恩以

臣

甫經到任免其交議聞

命之下感愧交深此後

臣

惟有隨同鐵保徐端時時留心

學習以期漸臻熟諳並欽遵

諭旨協力同心加意防護設法疏浚將各工次第興舉早

慶安瀾以仰副

高厚鴻慈於萬一謹

奏奉

硃批工員浮冒入已實不能免汝不見吉地之大案乎盛  
住一人侵用九萬衆監修分用二萬有餘是河工前車  
之鑑汝應密防嚴叅切勿受其朦混勉之

嘉慶十三年七月初六日

奏爲叩謝

天恩並覆奏欽奉

硃批事竊臣接閱邸抄知

吉地重大工程盛住昧良喪心竟有侵肥入己之事臣不

勝錯愕凡屬內外臣工無不驚駭髮指臣兄那彥

寶接辦工程而且駐工三年之久未能查明據實

叅奏乃蒙

聖恩曲予矜全仍

賞給頭等侍衛作爲哈密副辦事大臣臣祖孫叔姪弟兄

感被

生成全家頂祝正擬專摺恭謝

天恩茲

臣

於奏事摺內欽奉

硃批工員浮冒入已實不能免汝不見吉地之大案乎盛住一人侵用九萬衆監修分用二萬有餘是河工前車之鑑汝應密訪嚴叅切勿受其朦混勉之欽此

臣

於河

防修守工程一切夙未諳習荷蒙

皇上棄瑕錄用特簡重任

天地父母之恩

臣

稍具天良宜如何感激圖報

臣

自抵南

河卽周諮博採廣益集思隨時隨事留心學習以冀漸有知識至現在要工具舉錢糧浩繁誠如

聖訓工員侵冒事所必有豈容漫不加察除逐款支發經

正河

臣

徐端會同

臣

酌核批庫權其輕重緩急按

其高寬丈尺務期實用實銷不任少有糜費外並  
以不叅舉盛住各官爲前車之鑑如遇有文職工  
程偷減武營作工不力以及侵冒虛捏等情獎一  
經體訪確實

臣

斷不敢扶同徇隱辜負

聖慈惟有據實從嚴密叅徹底根究以重工程而伸

國法仰副

皇上不惜帑金奠定東南之至意謹

奏奉

硃批知人不易得人最難如盛住之舉實出意想之外不

恨彼昧良喪心轉恨已糊塗看人耳夫復何言汝屢遭挫抑應動心忍性捨身報國無可訓諭勉之

嘉慶十三年八月二十一日會同江南河道總督徐公端

奏爲洪澤湖智壩合龍並交寒露黃河水勢工程平穩河口價辦各工情形恭摺奏

聞事竊照八月上旬黃河水勢工程情形前經臣等繕摺具

奏在案自八月初四日秋分節以後徐揚兩屬黃河各工水勢旋長旋消工程一律平穩惟蕭南廳之賀

家莊新工溜勢游移不定專飭徐州河道張鼎駐  
工督辦幫寬壩臺加鑲追壓穩固茲八月十九日  
節交寒露水力日綿臣等酌量各廳凡稍緩之工  
皆不准率行動料以杜冒混以歸撙節現距霜降  
僅剩半月安瀾可冀足以上紓

慈厘所有洪澤湖山盱廳之智信兩壩因暴漲之水過大  
壩底跌塘冲揭刷成溝槽水深二丈一二尺三丈  
不等臣等督飭道員葉觀潮等慎重圈越築壩捲  
埽前進於八月十二日將智字壩堵合斷流後卽  
令候補道裘世璘前赴信壩督辦興工進占現已

做成二十餘丈趕月底月初定可一律全竣

臣那

彥成於百子堂葺工後亦至河口會同

臣徐端督

率道將各員分投趲辦伏查運口各工內以臨湖

磚工爲首百子堂爲尾而中段之奈家壩一處洩

水口門爲最大其餘自運口二壩以下至惠濟閘

及此裏頭橫堤外埝又二三兩閘上下緯道隄工

當六月初間湖水暴漲之際處處皆漫刷過水迫

水勢消動

臣

等卽乘舟逐細籌度先將各堤埝可

以施工而刻不可緩者分別酌用料土堵截補築

以通運料之路其應補還三壩及各處小缺口凡



可稍緩之工卽令俟冬令水涸再行補還不敢率  
滋糜費所有臨湖磚工缺口回跌塘較深是以測  
探外灘淺處圈築越埝攔截惟兩頭進水河形用  
料堵閉除西首河形寬三十九丈已於八月初九  
日堵合斷流外尙餘東首口門一處原寬六十三  
丈督率趕緊進占已做成五十四丈尙存金門寬  
九丈進水已屬無多現將所築越埝臨湖一面趕  
鑲護埝以禦湖浪其奈家壩口門因開放時漲水  
浩大一時宣洩不及於壩面普漫而過是以刷成  
口門兩處中存磯心一道南首缺口計長一百十

四丈餘尺北首缺口計長六十六丈水深自八九尺至二三丈不等臣等分督道將等先將北首一處趕堵斷流其南首口門寬濶處所就磯心盤頭兩壩進占亦已做成五十三丈現存金門寬六十八丈五尺臣等與在工各員公同商酌此時不難先將臨湖磚工全行堵合斷流惟因下游之奈家壩過水尙寬恐運口頭壩口門吸溜湧激倘頭二兩壩不能穩固一有閃失又增糜費應將奈家壩趕緊進占收束籍資擎托與磚工口門同時相機合龍庶頭二壩可以放心而壩門溜勢較平回空亦

可經行無礙在工文武意見相同臣等現在分督  
河營將備將柰家壩漏夜進占趨辦薙期收束如  
式一面督催將禦黃壩以內所挑河身加夫趲挖  
勒限八月二十五日以前一律全竣卽啓放禦黃  
壩俾回空漕船遄行南下據報截至八月初二日  
回空已入黃林莊境內船四十一幫計一千六百  
三十九隻後船尚未跟接入境所有已抵中河揚  
莊運口各船挨次停泊臣等派員彈壓巡防甚爲  
靖謐計期八月底啓壩放船不過旬餘卽可渡竣  
比較往年渡黃之期尙不爲遲臣等惟有彈壓竭

盡驚駘加緊趲辦務令運口各工趕霜降前後一律安竣回空漕船早日歸次一俟挑工完竣回空渡黃另行馳

奏督臣鐵保現赴吳淞海口一帶巡查是以未及會銜再臣等正在繕摺具

奏間承准軍機大臣字寄嘉慶十三年八月十四日奉上諭前據鐵保等奏現將禦黃壩堵合掣乾底水勒限挑淤一面堵築磚工缺口尅期八月底可以啓壩放船等語現在已交八月中旬距鐵保等所奏月底放船之期不過半月所有築口挑淤等事業已辦有幾成是否不

致遲悞著鐵保等一面先行奏聞一面趕緊趲辦愈速  
方安若辦理延玩致回空船隻在彼愈積愈多不能挽  
渡恐生別項可慮之事或有凍阻不及歸次則惟鐵保  
等是問欽此臣等當卽飛咨督臣鐵保一體欽遵外伏  
查河口煞壩挑淤回空幫船畧爲停待各情形前  
經節次附摺奏蒙

聖鑒在案現在裏河之百子堂千根旗杆缺口俱經堵閉  
穩固淮安以下運河暢順深通臨湖磚工口門亦  
已收窄船隻往來並無阻礙所有河口挑工臣等  
督趲加夫趕辦已批入成有餘片限本月二十王

日一律竣工凡應折啓禦黃壩金門及壩外灘面  
應抽溝槽俱已預爲趕辦一俟挑工完竣卽日啓  
壩放船現在洪澤湖存水一丈零六尺惟黃水尙  
未大消較高清水二尺有餘臣等深知回空歸次  
緊要未便久於停待公同商酌並溯查歷年霜降  
以後水勢日綿迥非伏秋渾濁可比現將河身已  
挑深至一丈有餘不致再有淤淺有悞回空現在  
所有已入江境船一千六百餘隻以每日過船一  
百五十四隻計算尅期旬日可竣如果後船腳尾  
而來不致脫幫於十月望間全行渡黃可以無虞

凍阻臣等惟有欽遵

聖訓加緊趲催務期速愈加速現仍一面行文漕臣催令  
在後之浙江湖廣江西空船作速南下務俾跟接  
渡黃則各幫可期及早歸次謹

奏

嘉慶十三年八月二十七日軍機大臣字寄奉

上諭徐端那彥成奏洪澤湖智壩合龍並黃河水勢平穩  
河口趲辦各工情形一摺覽奏俱悉裏河各缺口前次  
堵築百子堂千根旗杆兩處茲又將智壩堵合惟信壩  
抵做有二十餘丈口門尙寬又臨湖磚工現存金門九

丈奈家壩口門尙有六十一丈五尺均未堵築斷流而此外荷花塘蔡家潭俱尙未提及此時回空糧船最關緊要徐端等擬勒限於八月二十五日以前將奈家壩臨湖磚工辦竣後卽啓放禦黃壩趲送回空想已如限辦竣不致再有遲悞現已降旨薩炳圖令將在後回空各船催趲而下勿任脫幫至此時黃水高於湖水二尺有餘是否仍屬以黃濟運其新挑各工是否不致淤阻徐端等務將未堵各缺口趕緊堵完收束清水全力北注敵黃此爲最要再本年夏間勘辦黃河各工約需費六百萬兩尙未興舉旋因湖水漲漫冲缺堤壩多處補



葺不遑現在甫能辦有頭堵爲費自屬不貲從前所議各工目前能否再有餘力辦理伊等將裏河各工辦竣之後更擬接辦何工並霜降後海口情形若何均著隨時詳晰具奏

嘉慶十三年九月初四日會同兩江總督鐵公保江南河道總督徐公端

奏爲恭報霜降安瀾並磚工合龍仍儼辦各工情形仰  
慰

聖懷事竊照節交寒露以後黃河水勢工程平穩並回空  
漕船渡黃進口各情形前經臣徐端臣那彥成恭

河防志卷之六  
卷之六  
三  
摺馳

奏在案臣鐵保巡察吳淞海口事竣馳抵工次同將應堵各工督催趲辦茲九月初四日已節交霜降黃流順軌仰賴

聖主誠敬感孚

河神垂佑得慶安瀾伏思江境爲衆流匯歸之區一遇汎水漫漲工程在在著重先事預防最關緊要仰蒙皇上念切民生先於春間

恩准將黃河大堤卑薄之處擇要大加培築復經

欽差協辦大學士長麟戴衢亨等臨工勘議預期撥發工

料錢糧俾得防守有資並蒙

聖慈垂厯先期預發藏香俾

臣

等潔蠲祀禱以迓

神庥溯查伏秋大汎期內黃河上游來源據報陝州萬錦灘共長水五次武陟縣沁河共長水八次而甘肅寧夏陡發漲水至二丈餘尺尤爲非常浩大臣等正當洪澤湖搶辦之時忽見此等異漲亦非意料所及乃早荷

綸音馳賁

炳燭先機俾得有此遵循

臣

等董戒大小

臣

工合力同心

畚鋤具舉芟芻畢備凡黃河堤埽各工逐節巡防

派員至二百餘人無不鼓舞振興臣等與奉派來  
工之康基田顏檢巴寧阿李亨特等共相激勸督  
率陞任淮揚道江蘇臬司鰲圖河庫道同興徐州  
道張鼎淮揚道葉觀潮暨各廳丞倅河營副叅遊  
擊等官分投駐劄各於緊要處所嚴督派定段落  
巡防之委員兵夫住宿堤頂晝夜守禦遇有溜刷  
堤根卽立時搶護上下二千餘里得以化險爲平  
不下數十處其中尤爲至險者莫如運中河廳境  
內因東省山水陡發三丈有餘緯道卑薄之處節  
節過水遙堤一綫危在頃刻臣等又值各處搶護

萬難兼顧之時飛派候補道裘世璘知府王穀馳往該處督率廳營加緊搶辦歷五六晝夜始獲平靜至高堰清口一帶因皖省各山蛟水驟發洪澤湖來源旺盛漲水至一丈九尺餘寸又值六月初一日至十三日逐日西南風暴鼓漫湖水直注襄河清口竭力搶護減洩清江淮安一帶幸得保全今各工次第竣事除百子堂對岸缺口千根旗杆山盱智壩缺口俱已趨堵合龍先經

奏報外所剩臨湖磚工東首口門原水深三丈餘尺漸刷加深不得不慎重進占現已趕於霜降日合龍

穩固運口頭壩金門溜勢較前稍平兩壩頭已鑲  
壓穩固現在河口自啓放禦黃壩後回空漕船進  
口遄行截至九月初三日已渡黃船計十四幫共  
四百六十一隻奈家壩工程漏夜進占亦祇存金  
門十餘丈本可卽曰合龍因察看惠濟頭閘金門  
溜勢湧激高下懸殊回空軍船放閘較難相度機  
宜尙應將奈家壩暫緩堵合溜勢分洩以平閘門  
之溜俟水勢畧消再行趨堵不過數日可期完竣  
至揚糧廳境之荷花塘蔡家塘兩處口門跌塘深  
至八丈有餘計需工料過多應須設法收束以歸

節省臣那彥成現帶同李亨特暨道員葉觀潮趙  
宜喜等逐細勘明公同籌議務就妥速辦理再行  
切實具奏謹

奏

嘉慶十三年九月十五日

奏爲恭謝

天恩事竊臣與鐵保徐端等會奏霜降安濶一摺欽奉

上諭那彥成到工在已交伏汎之後協力防護諸事認真  
著加恩交部議敘欽此伏念臣於六月初間抵任卽值  
清黃並漲搶護不遑以致裏河漫缺多處且臣於

河務夙未究心僅隨同鐵保徐端講求學習惟思以勤補拙督率大小員弁夙夜罔懈庶可少紓

宵旰是以分駐要工嚴立賞罰以昭激勸博詢利弊以重度支數月以來業將各缺口次第堵合而未經歲事者尙有十之二三實皆臣分所應盡之職方慮顧此失彼深切悚懼乃蒙

皇上逾格寵施

渥加獎勵以

臣

諸事認真

特恩交部議敘

臣

聞

命之下伏地叩頭感激悚惶莫能名狀查現在未堵缺口



僅有奈家壩因關係頭開進溜暫議稍緩旬日一面趲辦荷花塘蔡家潭二處及三舖一處疏挑引渠計期月底月初總可一律完竣臣惟有益矢勤奮勉圖報稱仰副

聖天子平成水土之至意用酬

高厚鴻慈於萬一謹

奏奉

硃批實心講求除弊尤要若云無弊是欺

天矣工程迭出非弊乎堤不堅固非弊乎料物不足非弊乎勉力報恩嚴察此弊

嘉慶十三年十月二十日

奏爲欽奉

睿訓據實覆

奏事竊臣於奏謝霜降安瀾蒙

恩錄敘摺內欽奉

硃批實心講求除弊尤要若云無弊是欺

天矣工程迭出非弊乎堤不堅固非弊乎料物不足非弊乎勉力報恩嚴察此弊欽此仰見

聖主厯念河防慎重工帑臣跪讀之下戰慄兢惕深知才

識之不稱職

恩遇之難圖報伏念臣早侍

禁廷仰蒙

訓誨裁成無如年輕冒昧屢獲愆尤幸蒙

曲賜矜宥

臣悔悟方新旋荷

恩慈棄瑕錄用昇以副河防重寄

臣

於工程事務全未闋

歷

陛辭之日得奉

恩諭不責速效准令學習三年自揣年力正強隨事隨時

猶可留心強記得冀學習有成可以稍効涓埃之

報自閏五月二十七日到工任事卽值皖省蛟水

驟發長淮異漲高堰誌椿至一丈九尺餘寸高出  
輒工之上實爲罕見之事繼又運中河報險以東  
省蒙沂諸水驟長至一丈餘尺又旋奉

諭旨示以甘肅蘭州長水至二丈餘尺湖黃運同時並險  
皆非意料所及臣等竭力搶救幸仰仗

皇上洪福當萬分危急之際如有啓牖其中得以設法啓  
放避重就輕不致淮揚盡成澤國嗣卽通籌堵築  
工作疊興伏查工程繁大必宜量緩急以爲支用  
明賞罰以定功過俾人知懲勸工不虛糜如洪澤  
湖各工非人力之能施是以未經奏辦至平橋三

舖雖因風雨失事廳營亦各有差遣出汎而滲漏未及預防當將該管廳營汎員從重據實奏

奏是惟在

臣

等受

硃

恩辦事之人一秉至公不冒屬下之功必嚴衆人之過庶

此數語得要若曰功不能察與矣

日久懲勸明而人知自奮則河員積玩積滑習氣可望漸除至漫口旣多錢糧動用浩繁當此動支拮据之時在

臣

等渥被

重恩天良自在而各工員中賢否不齊誠如

聖訓斷難保無虛冒侵肥之事

臣

到工以後博採旁諮明

查暗訪大約土工石工以及椿埽工段利之所在

眞有不可枚舉者卽如堤岸土工以原估高寬丈尺爲憑層坯層礮方能堅實否則偷減草率遇水卽滲一經冲刷立見潰決石工自採運以至砌築或圖省灰漿或減用鐵錫或底水車戽不盡打椿截長作短至於埽段工程又憑測水淺深以定單長數目而有時淺者忽深深者忽淺此因水性有清黃之不同溜勢有遠近之忽異然往往工員借此朦混虛報水勢深若干丈尺卽爲將來核計短長地步又或土勝於料則以餘料影射另作開銷而根脚易致搜跌料勝於土則以淺土浮鋪虛糜

正料而追壓難於到底其他如運料交料層層剝削船運陸運處處拋灑及至設廠堆垛甚至收捆減筋虛鬆架搭暗用使費通同開報以少作多尤可恨者一遇險工緊急料戶籍以居奇把持挾制或實被詐索或通同分肥又如挑挖河渠墊厓貼坡暗減丈尺凡此弊端耳目稍有不周轉瞬卽難指實文員與武弁積不相能則武弁浪費工料不顧錢糧之虛費武弁與文員彼此相投則又通同舞弊任意虛捏河臣不過一二人外有三四道員各有專轄廳營多少不等旣爲監司大員尙不致

罔顧體面此外文武官弁皆係辦工之人其稍具

天良者縱使十得其五則已半屬急公半係舞弊

之人臣與正河臣徐端遇有要工不得不親駐督

辦就此一工時時量驗暗中存記工料一有不符

卽時覺查或無虛冒然專注此處一工卽不免固

於一隅其他縱專派道府大員督辦之工卽不能

知其是否無弊且道府中素所深信者正亦不可

多得則防弊察弊之道處處不可自信至本年裏

河及山旰堵築之工十餘處內惟千根旗杆一處

高下水勢不甚懸殊尅期卽竣其餘如甃工東西



二壩智信二壩百子堂三舖蔡家潭荷花塘余家壩或因水勢過深或因河泓淤墊或因三面皆水無土可取或因上下隔絕運料甚難細按情形既不能不趕緊趲辦又不得不慎重出入總計各工錢糧共用至一百七八十萬兩爲數固屬不少而堵築十餘處口岸比較從前辦理一處口岸遂用至百十萬者則已損之又損臣等身任大員節省豈足云功况卽此省之又省之中卽不能保必無受人朦混之處是以每奉嚴查弊端

恩旨卽不禁食不甘味寢不安席惶惶無以自處至正河

臣徐端係由河員出身工程最所熟諳臣始尙疑其久任河工與所屬不免瞻顧情面之處及臣抵任半載以來與之朝夕相處見其事事開誠布公凡涉料土錢糧皆不辭勞瘁親自勾稽核算始終不懈惟徐端雖受

恩遇用至正河臣而從未瞻覲

天顏不免少爲踈遠往往有不肖工員以此輒萌易視之心又轉因熟習工程馭下不免過急語言不免過碎此等處所是其微疵然大端自是可靠臣惟當與之和衷共濟交相勸勵稟遵



聞事竊照山盱智信二壩及裏河運口磚工千根旗桿百  
子堂等處自八月上旬以來次第堵合收束高寶  
下游漲水漸消臣等公同商酌應卽將揚糧廳境  
之荷花塘蔡家潭各缺口趕爲興辦臣徐端在河  
口督辦余家壩工程並趲催回空漕船渡黃臣那  
彥成卽帶同李亨特淮揚道葉觀潮前赴荷花塘  
等處逐細查閱勘得荷花塘口門寬七十餘丈蔡  
家潭口門寬六十餘丈該二處因坐當迎溜過水  
浩大是以冲跌坑塘深至八丈有餘公同道將等  
量驗估算若就缺口處堵築應用工料較多約需

銀五十餘萬且三面皆水無土可取復帶同在工  
年久之弁目上下細加履勘惟有在口門之外就  
西岸淺灘圈埝築做將兩處口門包住另於臨湖  
舊有越堤之內挑挖河身二百餘丈作爲正河統  
計築堤二百四十餘丈仍於兩頭鑲埽堵合測量  
水深僅丈餘至三丈不等所築堤埽丈尺雖長而  
水勢既淺則核計需用錢糧節省甚多且人力易  
施較有把握臣鐵保先於吳淞回舟經過查勘意  
見相同復與臣徐端面加商酌應如此辦理現卽  
飭令常鎮道趙宜喜督率廳營照估興辦所需正

襍各料先經臣等派委江甘等縣協同河廳預爲購辦運口足資應用尅期月底月初可期竣事其回空漕船仿照嘉慶十一年冬間暫沿湖邊行走有舊路可循並無阻礙所有山盱之信字壩前於智壩合龍後卽專交候補道裘世璘駐工趲辦尙爲妥速截至九月初二日僅存金門十餘丈原定於初四日合龍緣初三四五六等日秋雨連綿晝夜不止兼值北風狂猛潮浪如山人力不能施展埧盱兩廳境內大堤磚石工海漫及仁義禮各壩護埧多有刷掣所有信壩原做埧工該道廳等竭

力搶護幸保無虞一經風雨稍止卽趕緊進占堵  
合茲據報於初八日業已合龍穩固湖水並無旁  
洩惟裏河廳境淮城迤下三鋪地方自奈家壩百  
子堂漫水下注該處運河緯堤本係兩面皆水浸  
泡日久加以初三四五六等日晝夜風雨淋漓昏  
黑之際土隄陡行坐蟄河水旁注歸湖是晚臣鐵  
保臣徐端正在河口趲堵磚工臣那彥成回舟行  
次寶應聞報卽先後馳抵該處閱看幸所塌不寬  
過水僅二十餘丈惟正河之水陡落停淤應卽趁  
此趕爲挑挖現卽調集將備兵夫一面將埝工缺

口盤頭堵築一面趕將正河漏夜趕挑勒限十日  
全竣查河口至淮城三舖河路計長九十餘里渡  
黃進口幫船足容停泊復委叅將張奇盛催趲進  
口照料彈壓淮揚運河向無凍阻之虞計期半月  
之內工竣船行仍不悞歸次受兌其缺口下注之  
水仍歸白馬湖一帶原淹處所情形亦並未加重  
惟該處緯堤爲運道所關乃於霜降節後有此矧  
失該管文武各員例有應得處分查失事之日裏  
河同知繆雋隨同臣徐端在河口搶鑲頭壩該營  
守備汪騰龍係派委在寶應一帶用混江龍疏浚



正河該汎縣丞趙立福臣那彥成帶赴下游查估  
荷花塘工程雖皆因公出汎但究未能先事預防  
仍應請

旨將裏河同知繆雋守備汪騰龍山陽縣裏河縣丞趙立  
福一併革職離任仍留工次効力勒限工完再行  
核辦其專汎把總程超効用朱光奎巡兵趙德韓  
德斥革枷號工次以示懲儆臣等遠在別工照料  
未周均難辭咎仰懇

聖恩交部議處其淮揚道葉觀潮到任未及半月又兼隨  
同臣那彥成赴荷花塘勘工應請免其議處一次

趙辦工竣另行馳

奏謹

奏

嘉慶十三年九月十四日軍機大臣字寄奉

上諭鐵保等奏信壩合龍裏河平橋三鋪西岸緯堤又有坐蟄現在趙辦覽奏俱悉此時裏河各工尙有荷花塘蔡家潭等處缺口關係運道未經堵築而淮城迤下三鋪地方運河緯堤又因風雨陡蟄計寬二十餘丈現在河水旁注歸湖正河停淤據稱一面趕緊堵築一面漏夜趕挑將渡黃進口各幫船暫在三鋪停泊等語試思

疏

賈奏實增頻聞

回空幫船本年在楊莊守候一月有餘甫於本月底挽渡進口而三鋪一帶運河緯堤復行蟄塌河身淤蟄軍船又須停待豈不倍形遲緩實爲可慮伊等及該管文武各員弁不能先事防守均屬咎無可辭除弁兵等已經該督等斥革枷號外裏河同知繆雋守備汪騰龍山陽縣裏河縣丞趙立福均著照該督等所請革職離任仍留工次効力勒限工完再行核辦鐵保徐端那彥成亦均照所請交部議處伊等另摺所稱霜降後擬辦各工固屬均關緊要但此時尤以趲催回空船隻爲亟若堵築漫口稍有延緩挑挖河淤不能深通則軍船阻滯

有悞歸次關係尤重伊等旣稱半月之內可期工竣船行惟當依限趲催設法督辦愈速愈妙不可稍涉延玩此時該督等祇不過照例懲處設河口至運河一帶將來有軍船阻滯之事則獲咎甚重非止交部議處勉之慎之

嘉慶十三年十二月二十五日會同兩江總督鐵公保江南河道總督徐公端

奏爲現辦運口工程及荷花塘尙未堵閉情形事竊照南河自十一月以來清水總高黃水二三尺不等惟十一二等日東北大風將清水頂回黃水忽有

倒灌之勢至十九日風轉黃水消落清水暢出如  
前運口頭二草壩爲清水入運門戶因口門跌成  
深塘壩身不能站立以致屢鑲屢壑臣等議向外  
移就舊有蓋壩處所進占展寬丈尺加鑲雁翅旬  
日來始得步步穩實頭南北壩現留口門十六丈  
二南北壩計現留口門十六丈尙須收窄奈家壩  
因恐運河緯道卑薄之處未免着重一面補築子  
堰一面酌量進占現僅存口門八丈不難卽日堵  
合臣徐端現駐河口督率淮揚道葉觀潮等趕緊  
辦理又荷花塘缺口臣那彥成於海口會勘事定

後仍帶同李亨特卽馳赴工次督辦因奈家壩不能急堵而該處對岸通湖兩缺口共長一百餘丈湖水來源甚旺緯堤迎溜頂冲情形喫緊復督率工員日夜趲辦將荷花塘西岸缺口於十二月初六日堵合其西岸龔家營缺口又跌深至五丈餘亦在趕辦計數日內亦可合龍惟新築緯堤冲開之處下有深淤足見那處淤成李亨等之尤甚難措手臣那彥成與徐端詳細熟商正在籌辦適准

硃

欽差大臣吳璥托津咨會恐奈家壩入湖之水來源太旺壩工喫重議令先堵奈家壩以斷上流正與臣那

彥成趕堵瓮家營缺口意見相同適臣徐端於十九日到工細察情形臣鐵保亦來鎮江會同通盤商酌新築緯堤本係淺灘今因溜急淤深難於站穩自不若仍將應行補還之後堤先爲築做以資擎托並將上游河口之奈家壩趕先堵合則該處湖水益得平減施工較爲得手一面集料積土不致曠廢時日至揚州二三幫重運經臨因口門吸溜上水過急由湖口沿河堤行走計程十餘里水深六七尺不等業俱平安過竣惟臣那彥成前因節省錢糧起見辦理失當以致墊場又須改築臣

硃

師心自用偏聽人言荒謬

徐端臣鐵保未能先事預籌顧此失彼均難辭咎

所有蟄塌復開工段相應

硃

奏明查照向例分別認賠以示懲戒其餘黃運各要工

幾句空言就可混過耶汝二人竟無良心恐禍不旋踵矣慎之

仍酌爲通融樽節趕辦另摺具奏謹

奏

嘉慶十三年十二月二十五日

奏爲恭謝

天恩事竊臣賁摺并回敬捧到

御書福字並鹿肉山雞各一分臣當卽跪迎工次恭設香

案望



闕叩頭祇領訖欽惟我

皇上福自

天來雲箋杼藻

澤隨春至仙饌流膏

篤祐延釐競祝

萬方有慶飲

和食

德羣欣百祿是適

臣仰托

仁帡渥蒙

閔澤擎來

寶翰幸邀錫羨之榮頒自

天厨獲飫珍奇之品高懸

日月河干共仰榮光熟薦芬芳子職爰忻祿養臣惟有祇

承

廣庇衍疇依

皇極之隆益誠素餐拜

賜涼

天威之近謹

奏奉

殊批汝總不知改竟無出息不過侍衛之列耳亦無可訓

諭矣

嘉慶十四年正月初五日軍機大臣字寄奉

上諭鐵保等奏現辦運口工程及荷花塘尙未堵閉情形  
河工疏築事宜關係生民保障且漕船往來經行尤關  
緊要荷花塘堵築缺口那彥成偏聽李亨特等之言不  
循舊規圈越築壩彼時在工道員趙宜喜等再三稟阻  
堅不聽從以致壩身陡墊漫水加長下游之民田廬舍  
復被淹浸不但帑金虛擲正當重運欲來之時堤岸未  
能涸出緯輓維艱伊等此次摺內自言緯堤衝開之處  
下有深淤愈刷愈深不能措手然則前此何以於稀淤

之上遽行圮築壩基似此師心自用貽悞要工荒謬已  
極現在欲省轉費尙得謂之爲節省錢糧起見辦理失  
當乎所有此次墊塌工段自應全行著落伊等賠出非  
特那彥成李亨特應行多賠卽鐵保亦豈能置身事外  
伊等尙不懇請治罪惟思以幾句空言混過直是全無  
良心恐禍不旋踵悔將無及矣慎之

容安謹按是時

欽派尙書吳公倬侍郎托公津至清江浦察訊荷花塘漫

口情形 先公旋奉

旨降黜

語見下卷際什  
鳴雨參贊奏議

邠文毅公江南副河道總督奏議卷十八

邠文毅公江南副河道總督奏議

卷十八

臣